

Parlamento: MEP y OLA a entrega mocion encuanto ley di extradicion

ORANJESTAD(AAN) Ayera tabata tin reunion den Parlamento caminda e ley di extradicion a ser trata y caminda MEP y OLA a critica e forma con Prome Ministro Henny Eman y Ministro Watty Vos a defende ley di extradicion.

E famoso carta cu a ser manda pa Conselho di Reino cu na caminda pa Hulanda diripiente a haya e cambio cu a elimina e derechonan di Arubianonan, ayera diripiente pa Henny tabata algo a la estilo Yo no Fui.

Henny a trece un cuenta tur bruha den parlamento cu e mester manda pidi copia di e carta na Arubahuis na Hulanda y cu Arubahuis tabata sera ayera.

Ta tristo cu e como Prome Ministro awor ta haci como si fuera cu e no tabata na altura di e cambionan drastico cu a ser poni den e carta cu pa colmo a sali publica den DIARIO.

Henny mester a djis busca copia di su DIARIO y e por a bay duna cuenta encuanto e carta den parlamento, pero un biaha mas Henny a aplica e tactica di rek tempo pa asina bruha tera.

Ayera ora cu OLA y MEP a traha nan mocion pa cu ley di extradicion, AVP a haya su mes den un preta pasobra ta cu kico nan lo a bin cune den e reunion di parlamento?

Mocion di AVP, DIARIO no a haya ayera anochi, pero AVP awor si kier bin cu exigencia pa cu esnan cu por worde extradita.

Esaki ta loke nan mester a haci tempo cu e carta a ser manda pa Conselho di Ministro di Reino y no awor cu e baca a hoga caba.

Schrapmento di condicionnan den e carta pa asina kita derechonan di Arubianonan tabata algo sumamente cuestionable y awor no por sconde tras di sentencia di Hof pasobra ta garantianan solido Henry y Watty mester a bringa pe.

Ta incomprendible cu Henny a bay di acuerdo cu Hulanda pa laga nan pasa un ley di extradicion manera cu awor a ser aplica na Aruba, sin cu a pone condicionnan fuerte pa defende derechonan di Arubianonan.

Henny a prefera di benta Arubianonan den un baratiyo

MOCION

PARLAMENTO, awe den reunion publico dia 25 februari 1998,

CONSIDERANDO:

- cu mediante carta di 18 di mei 1995 Gobierno a bay di acuerdo cu extradicion di Arubianonan por ser regla pa medio di "Algemene Maatregel van Rijksbestuur" sin cu tin garantianan igual pa ncs ciudadanonan;
- cu Gobierno no a haci uso di e medianan legal nombra den Statuut, manera "intern appel", pa defende interes di nos Arubianonan;
- cu a institui un comision pa medio di un "Landsbesluit" cu a recomenda gobierno pa no acepta extradicion di nos propio hendenan, unda esaki ta keda regla pa medio di "Algemene Maatregel van Rijksbestuur", pero mester introduci un "Rijkswet";
- cu nos hendenan mester haya un trato igual cu e Hulandesnan na Hulanda;
- cu e ministro di justicia ta e autoridad pa cu extradicion y no sr. Gobernador;
- cu apesar di e recomendacionnan aki Gobierno dia 8 di december 1995 a bay di acuerdo den consejo di ministro di Reino pa trata nos hendenan desigual, locual ta un discriminacion y contra derechonan humano;
- cu mas cu 2 aña a transcuri y no a yega cerca e Parlamentonan di Hulanda, Antias y Aruba un concepto di Rijkswet pa trece e igualdad pa nos hendenan, manera describi pa Raad van State di Hulanda;
- cu mester elimina esaki cu tur diligencia;

TA DICIDI:

1. Exigi di Gobierno pa instrui ministro plenipotenciario pa den e proximo consejo di ministro di Reino entrega un proposicion, unda ta inclui den e Nederlands/Antilliaans Uitleveringsbesluit e posibilidad di casacion pa nos yuinan di tera, unda ta elimina e desigualdad di derecho, conforme e carta di "advies commissie uitlevering" 24 november 1995 y e carta di Procurador General Interino mr. T. van Daalen, fecha 22 di september 1997;
2. Exigi di Gobierno pa den e proximo consejo di ministro di Reino entrega un concepto di Rijkswet pa cu extradicion, unda ta segura nos hendenan un trato igual cu ta haci posibel, casacion y cu dentro di un aña a Parlamentonan di Hulanda, Antias y Aruba mester a trata e cambionan necesario.

Mocion di Partido MEP cu a worde sosteni door di OLA.

internacional pa asina pa medio di un Algemeen Maatregel van Rijksbestuur nan por worde extradita y esaki ta e berguensa grandi cu Henny mester realisa.

Cartanan cu Henny a manda pa Voorhoeven, y Sorgdrager no por tapa e barco cu nan mes a pega y nan mester a compronde cu dificilmente nan por a bin bisa parlamento, cu despues un Ley di Reino lo

worde traha pa asina duna Arubianonan e mesun derechonan cu Hulandesnan Europeo si tin.

Ta tuma añanan largo pa laga traha un ley di Reino y esaki pueblo y parlamento mes por a nota cu for di tempo cu Henny a bay di acuerdo cu e ley discriminatorio Hulandes, te awe no tin igualdad y garantianna pa Arubianonan cu mester worde extradita.

Intento pa pega cas di

Abogado Lejuez na candela

ORANJESTAD(AAN) Ayera anochi tabata tin un intento pa pega na candela e cas di abogado Lejuez.

Pa mas o menos 10'or y mey pa 11'or ayera anochi ora cu Abogado Hellen Lejeuz a yega su cas, el a nota un holor straño y ora cu el a bay averigua, el a bin haya carbon na candela den su cura di cas.

Ningun hende di famia Lejuez a cende ningun sorto di BBQ ayera y ta pesey loke nan a haya na carbon ki-

mando den cura cerca di un mata cu ta plama na muraya di jardin, mester worde mira como intento pa pega e cas na candela.

Polis a ser yama pa asina tuma nota di loke tabata pasando na cas di abogado Lejeuz.

E intento aki pa cenda cas di abogado Lejeuz na candela mester worde investiga profundamente pasobra esaki ta algo serio y peligroso.

ECLIPSE TA CAUSA ECLIPSIDACOLROSIS!!

